



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Syntaxis Historiæ Evangelicæ

Cope, Alan

Lovanii, M.D.LXXII.

102. Ad comprimendam eorum fiduciam & arrogantiam, qui sibi multum tribuentes, alios spernebant, parabola proponitur de Pharisæo & Publicano precantibus.

[urn:nbn:de:hbz:466:1-47925](https://nbn-resolving.org/urn:nbn:de:hbz:466:1-47925)

C A P. 102. Ad comprimendam eorum fiduciam & arrogantiam, qui sibi multū tribuentes alios spernebant, parabola proponitur de Pharisæo & Publicano precantibus. Luc. 18. \* 127.

S. Mattheus	S. Marcus.	S. Lucas.	S. Iohannes.
<p><b>D</b>ixit autem et ad quosdam, qui in se confidebant tanquam iusti, et aspernabantur cæteros, parabolam istā: Duo homines ascendebant in templum ut orarent: vnus Pharisæus, &amp; alter Publicanus. Pharisæus stans, hæc apud se orabat: Deus, gratias ago tibi, quia nō sum sicut cæteri hominum raptores, iniusti, adulteri: velut etiam hic Publicanus. Ieiuno bis in sabbatho: decimas do omniū quæ possideo. Et Publicanus à longè stans, nolebat nec oculos ad cælum leuare: sed percutiebat pectus suum, dicens, Deus propitius esto mihi peccatori. Dico vobis, descendit hic iustificatus in domum suam ab illo. quia omnis qui se exaltat, humiliabitur: &amp; qui se humiliat, exaltabitur. * 101.</p>			

C A P. 103. Docet paruulos à se non esse prohibendos, quibus manum imponit, & adolefcenti diuiti vitæ sempiternæ consequendæ cupido non solum mandata Dei seruanda, sed consilia etiam legis Euangelicæ proponit exequenda. Petro demū quærenti ostendit, quodnam illos præmium maneat, qui relictis omnibus eum sequuntur. Mat. 19. \* 90. Mar. 10. \* 99. Luc. 18. \* 102.

S. Mattheus	S. Marcus.	S. Lucas.	S. Iohannes.
<p><b>T</b>unc oblatis sunt ei paruuli, vt manus eis imponeret &amp; oraret. Discipuli autem increpabāt eos. Iesus verò ait eis, Sinite paruulos, &amp; nolite eos phibere ad me venire: taliū est enim regnū cælorū. Et cum imposuisset</p>	<p><b>E</b>T offerebant illi paruulos, vt tangeret illos. Discipuli autem comminabantur offerentibus. Quos cum videret Iesus, indignè tulit, &amp; ait illis, Sinite paruulos venire ad me: &amp; ne phibueritis eos. taliū enim est regnū Dei.</p>	<p><b>A</b>fferebāt autem ad illū &amp; infantes vt eos tangeret, quod cum videret discipuli, increpabant illos. Iesus autem cōuocās illos dixit, Sinite paruulos venire ad me, et nolite vetare eos, taliū enim est regnū Dei.</p>	